

Amashiwi ya nsambu

sha Bantu mukwipifya Ku shamfumu



ICILALA



Table of Contents

Acrynomys	ii
Amatotelo	iii
Amashiwi yantanshi	iv
ICIPANDE ICAKUTATIKA	1
1.1 Icololenga ukubikamo imfumu mukusuntula nokucingilila insambu shabantunse	1
ICIPANDE CABUBILI - UTO MWINGESHIBILAPO PANSAMBU SHAMUNTU	3
2.1 Ukulondolola insambu shamuntu	3
2.2 Ubune bwa nsambu shamuntunse	3
2.3 Imibonekele yansambu shamuntunse	3
2.4 Ubupusano bwa nsambu	4
ICIPANDE CABUTATU - IFYO INSAMBU SHAMUNTU SHILI MUNO ZAMBIA	6
3.1 Incito yabuteko	6
3.2 Umulimo wabekala calo	6
3.3 Ukonaula insambu shabuntu	6
3.4 Abakopenga sana abantu nangu icintu bwingi pansambu shabuntunse	7
3.5 Intulo ishikolenga ukonaula insambu shabuntunse	8
3.6 Ububi bwakonaula insambu shabuntunse	8
3.7 Ulubali lwa imfumu mukucingilila insambu shabuntunse	9
ICIPANDE CALENGA BUNE - ISHUKO ILILIPO MUKUCINGILILA INSAMBUNTUNSE	11
4.1 Insambu shabuntunse intantiko nobwimakishi muno Zambia	11
4.2 Ifyaba intantiko	12
4.3 Isonde, Africa nefya muno Zambia ifipope ifibomba mukucingilila insambu shabuntunse	13
4.4 icisolobelo cafyalo ifinamulamano	15
4.5 Ifisolobelo fya insambu shabuntunse ishamuno calo cesu	16
ICIPANDE CALENGA CISANO - IFIPOPE IMFUMU SHINGABOMFYA MUKUCINGILILA INSAMBU SHABUNTUNSE	19
5.1 Imfumu shilakoselesha ukukumana kwacintu bwingi	19
5.2 Ukubomba notubungwe twamumishi, bambi abacingilila insambu shabuntunse nabashala	19
5.3 Ukukula abakwimakaninako mumishi palwa nsambu shabuntunse mukwafwako abanabo	19
5.4 Mukubona ukwebati amafunde yakucilye kumusumba tayako onaulapo insambu shabuntunse	19
5.5 Ukulanshanya lyonse nobuteko mukubona ukwebati insambu shabuntunse shikocingililwa	19

Acronyms

AU	African Union
ICCPR	International Covenant on Civil and Political Rights
ICESCR	International Covenant on Economic, Social and Cultural Rights
LGBTI	Lesbian, Gay, Bisexual, Transgender and Intersex
PSAf	Panos Institute Southern Africa
UDHR	Universal Declaration of Human Rights

Amatotelo

Aka katabo kantungulushi sha cikaya akabona pa nsambu sha bantu, kapekanishiwe naba Panos Institute Southern Africa (PSAf). Kabikilwe pamo naba Landilani Banda incenshi iyi ibombela yenka, abo bafwailishe ilyashi lyonse elyo abapitulwikemo no kusalululamo fimo niba Mamoletsane Khati elyo naba Lilian Kiefer abaku kabungwe ka PSAf.

Akabungwe ka PSAf kabili kako tota iofeshi lya calo ca Canada muno Zambia ilyaba mu Lusaka pakutungilila umulimo wakusansha intungulushi sha cikaya mukupwisha kwa kapatulula, ico icalengele ukulemba kwa aka katabo.

Amatotelo ku ntungulushi sha cikaya ishatwakenyeko amatontonkanyo yashiko palwa uyu mulandu elyo nefi abantu baishiba palwa nsambu shabo mu fitente fyabo nenshila shakungilila insambu sha mabumba aya lekeleshiwa.

Ukutota kumbi kukoya kuli ba Wellington Moyo, ba Mapalo Chibale, ba Bridget Muvunda elyo naba Pauline Phiri pakupilibula aka katabo ukufuma mu ChiTonga, IciLala, IciBemba elyo ne ChiChewa. Pakulekelesha tukotota ba Choolwe Hamando, ba Boniface Susa, ba Chongo Kamfwa elyo naba Joseph Mbewe pakupituluka muli utu tutabo panuma yakupilibulwa pakumona ukutila utu tutabo twalembwa mu citundu ici abantu bangomfwa mu maboma muntu bakalatubomfya.

Pakumfwilapo nafimbi nangu ukulomba utu tutabo, lembeleni ba :

Panos Institute Southern Africa (PSAf)

Plot 9028 Buluwe Road, Woodlands

P. O Box 39163

Lusaka, Zambia

Tel: +260-978-778148/9

Fax: +260-211-261039

Email: general@panos.org.zm

Website: www.panos.org.zm

© Panos Institute Southern Africa 2016

Amashiwi yantanshi

Akabungwe ketwa Panos Institute Southern Africa (PSAf) kali cindike ilyashi nge cintu cafwilisha abantu abalekana lekana ukulisansha mu milimo ya buyantanshi. Napali ici aka kabungwe kalabomfya imisango iya ibela pakulenga amabumba ya bantu aya lekana lekana pakuyalenga ukwishiba ifishinka, ifyo benga bomfya mukutungilila ubuyantanshi.

Pamabumba yantu akabungwe ka PSAf kabomba nayo pakupilibula imikalile ya bantu, epaba intungulushi sha cikaya, pantu shila lenga abantu ukupilibula amatontonkanyo kabili eshi sunga intambi, namapange yakutungilila insambu bantu mulya mwine bekala, ukupitila mukulolesha pantambi shimo ishiltungilila akapatulula, victimization elyo na marginalization.

Eco aka katabo akamona pa nsambu, kapangilwe ukubomba pamo nge cipe intungulushi sha cikaya shinga bomfya pakukwata ifishinka palwa kutungilila insambu sha bantu balekeleshiwa. Aka katabo kapangilwe ukupela ilyashi ku ntungulushi sha cikaya pakushilenga ukwishiba ifishinka ifyo shingabomfya mukucingilila kwa nsambu sha bantu. Ukwishiba ifingi pali ili lyashi kuli nekukansha intungulushi sha cikaya mu mulimo wakucingilila ukonaula kwa nsambu sha bantu mu fitente muntu bekala.

Aya mashiwi ya nsambu sha bantu, yali neku kosha elyo nokutemuna intungulushi sha cikaya ukubomfya amaka shakwata ukupitila mukwishiba ifishinka. Ukwishiba ifishinka kulapela amaka. Intungulushi sha cikaya ishakatwa ifishinka shalikwata amaka yaku koselesha abantu ukuisansha mu milimo ya buyantanshi munshila iya bune ukucila intungulushi ishiteshipo. Uku kwata ifishinka ekungalenga intungulushi uku koselesha icintu bwingi ukulacita ifintu ifya bune. Ilyashi lili muli aka katabo lyakuba pamo ngo mufula ku ntungulushi sha cikaya pakutangilila ilyashi ne kubona ati aba cikumine bonse bakonka aya amafunde.

Isubilo Iyesu lyakuti akatabo ka nsambu sha bantu aka, kali ne kusanshapo pakuwamya kwa musango abantu balandilamo palwa kucingilila kwa nsambu sha muntu onse, icili nokulenga ukukampula kwa mikalile elyo buyantanshi bwa bantu abalekeleshiwa.

Ilyashi lili muli aka katabo, lipangilwe mu musango wa bune ukuti, pakwafwilisha intungulushi sha cikaya ukubomba ne ntungulushi sha buteko, utubungwe twa buteko elyo ne tubungwe twa cintu bwingi pakutungilila uku kansha kwa bantu abalekeleshiwa mu ncende muntu bekala ne kwishibisha abantu bekala nabo palwa nsambu sha muntu onse. Isubilo kabili lyakutula intungulushi sha cikaya shili nokusanga ubwafwilisho muli aka katabo palwa kwishiba ifishinka pa nsambu sha bantu nekubalenga ukulisansha sana mu mulimo waku cingilila insambu sha bantu.



Lilian Kiefer
Umukalamba wa aka kabungwe.

ICIPANDE ICAKUTATIKA

Pamo nge calo umuli abantu abakakulukile ukulingana nolupapulo lwa mafunde, Zambia ilacingilila insambu shabantu ukukonka nolupapulo lwa mafunde. Mu lupapulo lwa mafunde yacalo muli insambu shabantu mu cipande icabutatu. Nakambi ukufuma palupapulo lwenka ulu, Zambia yalisuminishe ifipope ifya kufisaka fyamuno Africa ukulundapo nefye sonde lyonse pamulandu wakukwata ifipope ifyakucingililamo insambu ishabekashi ba mu calo. Mfi ifipope fisolobelo fyakubomfya mukucingilila abantu pansambu ishacifyalilwa kubati akapatulula, ukutitikihiwa nolufyengo.

Nangabati kulikusuminisha ifipope ifyansambu shabantu isonde lyonse, ichalo ca Zambia cikosangana ukukatasha mukufikilisha ukucingilila insambu shesu bonse.

Cilishibikilwe ukwebati abakopenga mukubekalila pansambu shabo mu Zambia nibanamayo, abaice, abakote, abafungwa, abalemana, nebali ne kashishi akaleta ubulwashi bwakondoloka elo nambalya abalalume abalalana nabanakashi abalalana palwabo benka. Nabambi abokopenga nibamukamfwilwa nabana nsungu abakotwalwa kufyupo ulu bachili abaice. Nga mabumba yabantu ebakopenga ukwine kantu ku mulandu wakunyantililwa kwa nsambu shabo.

Ukunjatililwa kwa nsambu kubonekela pamulandu wakwebati wabantu tebeshipo insambu shabuntunse, elo nekutakwatapo ifintu ifingabafwa mubwikashi bwabo. Ukunjatililwa kwa nsambu kukolenga ukutakwatapo ifintu kubati fipatala, amasukulu, nokufusha umuteto uwakupama abanakashi kubalalume, ukufya utwanansungu, akapatulula nolufyengo. Fingi ifikolenga ukunyantililwa pa insambu shabantu kubati ukupenga, ukuteshibapo insambu, nemisango shimo ishileta akapatulula nokusulwa ku bantu bambi.

Nangabati kuli amakatasho mukucingilila insambu shabantu inshila shakuti ubwingi isho tungakonka mukucingilila insambu sha bantu. Inshila imo kulolekesha pa maka imfumu shesu shakwata. Imfumu shaikala apasanswike mucalo cesu ca Zambia nokupelwa amaka ayakucingilila insambu shabantu. Ndu lupapulo lukososa ukwine kantu pafyo imfumu shingabonfya ififulo fyabo mukuchingilila nokusuntula insambu shabantu.

1.1 Icikolenga ukubikamo imfumu mukusuntula nokucingilila insambu shabantunse

Ubufumu bukopilubula ukuteka kwacifyalilwa ukupitila mu mukowa no mutundu uko kwaliko nakale mu ncingo ishpusene pusene mu Zambia. Imfumu shikala nabantu shiteka mu mishi nokubona ukuti abantu balama bwino utufoto utwachifyalilwa.

Muli mbu ubutungulushi muli infumu, basulutani abalalume nabanakashi ukubikapo likoso nefilolo.

Ubufumu ebeli lyabutungulushi mu Africa namu Zambia nge calo. Mu Zambia, ubufumu bwaishibikwa pamo nge funde lya calo mucipande cekumi limo na cimo muciputulwa calenga 287 mumafunde yacalo. Ukulingana nolupapulo lwa mafunde yacalo, imfumu shalipelwa amaka ayakungulula incingo shintu bekalamo. Ili funde nakambi lilondolola utubeya imfumu shilingile ukubombelamo mukuteka abantu.

Imfumu shilafwaikwa ukwine kantu mukusuntula nokucingilila insambu shabantu pamilandu yanji iyatantikwa:

- i) Imfumu shilikwete amaka ayakulabililako abantu pakwebati kwaba ubuyantanshi mu mishi. Elo nakambi imfumu shilishi amafunde yamumishi nokutungulula ifilye pakwebati mwaba umutende nokukonka amafunde kubantu mu mishi. Imfumu shilabomfya amafunde yachifyalilwa mukucingilila mbalya abatakwetepo amaka yakulicingilila kubakwatishe ifiso mumishi.

- ii) Imfumu shilakumanya imintependwa yabantu ukupitila mukulanshanya elo shabulako ubuteko pafikocitika mumishi. Epela imfumu shilapandako ubuteko amano pafintu ifikumine kubwikashi bwabantu mu mishi.
- iii) Imfumu shilafwa mukwalula abantu ukufuma misango iyibipile nokukonkobesha imisesela ukutaluka ku kashishi akaleta ubulwashi ubwakondoloka ukubikapo likoso ukubasambisha imifyalile iyiweme mu mishi.
- iv) Imfumu shilabomba ukwine kantu pamulandu wa fifulo na maka bakwata mukubona ukuti insambu shabantu bonse shacingililwa Pakwebati fyonse filondoloke, sombi imfumu shapintamo akabeya mu buyantanshi bwa calo nokusuntula insambu shabantu.

Imfumu shili no mulimo uwakwalula imitontokanishishe yabantu mumishi. Pa myaka iyapita, PSAf ilisambillile ukwebati ukuleta intungulushi sha mumishi mupepi nokulanshanya ciweme pakuti intungulushi shilabila pantu fintu ifikochitika mu ncingo shabo. Iyi inshila ilabomba bwino kani kuli ukulabila pa lubo nokucenana pakati kabalalume nabanakashi, impali, ukupyanika, ukufya abanansungu, ukuposa amapafu. PSAf yalishininkisha ukwebati kani iyi nshila yakonkwa mukusuntula nokucingilila insambu shabantu, fingi fingalulwa.

Ubwafya ubukolenge mfumu ukutacingilila insambu shabantu nokusuntula insambu shabalulume nabanakashi abalalana benka nimbu:

1. Imfumu shimo tashaishibapo ukupusana kwabantu nga caisa mukulalana.
2. Imfumu shimo tashaishibishapo insambu shabantu .
3. Ukuteshiba ifyo imfumu shingalesha akapatulula ukubonfya ifiso shakwata.

Imfumu shiligile ukupelwa ilyashi ilikumine pa nsambu shabantu pakuti shilokwafwilisha ukuleta umulinganya nokucingilila insambu shabantunse. PSAf ilipangile ndu lupapulo pakwebati kwaba ukusambilila pa nsambu shabantu nokwishiba ububi ubungafuma mukunyatilila kwa nsambu shabapengele nambalya abalalume nabanakashi abalalana benka.

Ndu lupapulo lwakulenga abantu ukwishiba insambu shabo nokuchinshika umulimo infumu shibomba mukushilisha akapatulula mu ncingo shabo. Ndu lupapulo nakambi lwakulenga infumu ukwishibilapo nashimbi insambu isho abantu balingile ukukwata .

Utomwingeshibilapo pansambu shamuntu

2.1 Ukulondolola insambu shamuntu

Insambu shamuntu shikopilibula ukwebati ifiso nokulubulwa kwa muntu icikulu bwaka naye akopema. Icacumwenako nisambu yakukwata ubumi ubuweme. Ici cikopilibula ukwebati umuntu uuli onse alikwete insambu iyakuya kucipatala iciliconse, mukupoka umuyanda pakwebati aikala no bumi ubuweme.

Ukulingana nebula ilyakubalilapo “iyakusuminisha insambu shabantu isonde lyonse” *Universal Declaration of Human Rights (UDHR)* ikososa sana nokubilikisha ati “Bonse abantu bafyeIwe lukoso nomulinganya mumucinshi nensambu.” Ukusuminisha ukusangwa mu UDHR nge nsaka iyichingilila, nokubonati abantu banonkelamo munsambu shabo nokushifikilisha. Ici kanshi ecikoebati bonse abantu balingene tapapo uukocila umubyakwe kunsambu.

Ibula lyacibili ilya UDHR lilabila ati:

“uuli onse alikwata insambu nokulubulwa mukusuminisha ukwakubula akapatulula munshila iili yonse, pamo inga imibonekele, inkanda, ubwaume nangu ubwanakashi, umulaka, imipepelo, akabungwe kafikansa fyacalo, nangu ukupusana pusana mu mitontonkanishe, icalo watulako, ifipe, ukufyalwa nangu fimbi bwaka ifyashala.” UDHR ikosambisha pafyo abantu benganonkelamo mu nsambu shabo mukuleta umulinganya nokufumyapo akapatulula.

2.2 Ubune bwa nsambu shamuntunse

Uuli onse ali namaka ayakukwata insambu. Amashiwi ayakoyebati “Umuntu” ne “nsambu” cikopilibula ati uuli onse umuntu alikwete amaka ayakunonkelamo mu nsambu ukwakubula akapatulula. Emukwebati namayo tekutipo bamutane impanga pamulandu wakwebati takwetepo umulume. Mukupalanyako, umwaume uwalala umwaume mubyakwe nangu umwanakashi alala namwanakashi munakwe ukubikapo likoso nomwanakashi uwaluka kubatin mwalalume nangu umwalalume ayaluka kubati mwanakashi nabo balikwete amaka ayakumfwa ubune bwansambu shabo. Elo nakambi tekweshapo ukupanga akapatulula kumulandu nenshila balonganinamo. Insambu shamuntu uuli onse kumfwa ubune.

2.3 Imibonekele yansambu shamuntunse

Kwabefintu fisano ifilanga imibonekele yansambu shamuntu ukulingana ngamfi: -

2.3.1 Shobe epela: insambu shamuntu shacifyalilwa mumuntu uuli onse elo tapapo uyo basuminisha ukukupokololwa pamulandu wakuba umwalalume nangu umwanakashi, imipepela, inkanda nefyashala. Kanshi insambu shamuntu shacifyalilwa kumuntu uuli onse pesonde. Ichakubwenako cakwebati umwaume ulala no mwalalume mubyakwe nangu abanakashi abacita fyenkefyo, cingaba lucheche, namayo nangu umufungwa tekwebapo ati tabakwetepo insambu shabuntunse. Bonse balifyelwe ne nsambu shabuntunse ishitapelapo nangu ukushila.

- 2.3.2 **Umulinganya:** Insambu shabuntunse shacifyalilwa mumuntu uuli onse, ukuli konse, kanshi ecikolenga ukwebati shilingane ukuli konse. Tacikonkapo noko wafyalilwe nangu inshila wafyalilwemo sombi bonse balomfwa ubune mu nsambu shabo ukufikapo. Ici cikopilibula ukwebati ukuli konse muno calo capanshi, abantu balikwata nokupelwa amaka yakumfwa ubune bwansambu shabo. Tekuti cilabilwe ati tatupo bane Africa nangu abena Zambia pakupela umucinshi kunsambu shaba namayo, umwalalume ukuba umwanakashi nangu umwanakashi ukuba umwalalume, no mwalalume ukulala no mwalalume mubyakwe, nabanakashi ukulalana benka ukubikapolikoso ne nsambu shalucheche. Takwabapo insambu shabena Europe, abena America, abena Africa, abena India benka neshabatubile nabafishi benka.
- 2.3.3 **Tekuti bakanyepo:** insambu shamuntu tabakanyapo ukulanga shimbi insambu ukuba ishiweme ukucila ishinankwe. Ukutabanyapo insambu ukulanga ukwebati insambu shilingene nangu shingaba mutubeya utupusene tuli kubati insambu sha bunonshi, ubwikashi, intambi, ifikansa fyacalo, nokulubulwa kwa muntu. Nangabati tababanyapo insambu sombi insambu shashintilila pa shinankwe.
- 2.3.4 **Ukushintilila pashinankwe:** insambu shamuntu shishintilila pashinankwe pakwebati umuntu omfwe ubune ubwa nsambu shakwe. Insambu shamuntu tekutipo mushakanye ukwebati ishi shiweme ukucila ishinankwe. Icacubwenako, insambu yabumi yaikatana nobumi ubuweme, ubumi ubuweme nabo bubomba nensambu shafilyo, ifilyo fyashintilila pa nsambu shakukwata umushili umwakulima ifilimwa. Kani kwaba ukufyuma insambu shimo kukulenga ukutomfwapo ubune pa bwansambu shonse.
- 2.3.5 **Umulinganya nokutakwapo akapatulula:** umulinganya nokutakwatapo akapatulula fisoswa ukwebati ebwe ilyashintililapo insambu shamuntu. Umulinganya ulabila ukwebati bonse abantu pesonde bafyelwe ukwabula amalipilo elo nakambi balingene. Uyu umulinganya wansambu ukopilibula ati tapapo uyo bengeba ati uyu abamfi namfi kumulandu wachalo afumako, imyakayakwe, imipepele, ilangulushi iyakwe pa fikansa fyacalo, intambi, ubwalalume nangu ubwanakashi, inshila asala iyabulalelale, kani akofwaya ukwaluka ukuba umwalalume nangu umwanakashi, kati alikwete kashishi akaleta ubwalwashi ubwakondoloka nangu ifili fyonse ifyo akofwaya.

Icishinka cakwebati bonse abantu balingene, icikoebati balingile ukumfwa ubune bwansambu shabo ukwabula akapatulula. Akapatulula kakopilibula ukubona umuntu munshila imbi itawemepo kumulandu wa musango afyalilwamo, imyaka, imipepele, intambi shakwe, kani mwalalume nangu mwananakashi, inshila asala iyakulalana no mwalalule nangu umwanakashi, kani alikwete akashishi akaleta ubwalwashi bwakondoloka nangu ifili fyonse ifyo akofwaya. Umuntu ngaba mukwatila umufimbila, insambu ninshi shaonaika nacingakonkapo kupenga ukwine kantu. Ico twingabwenako cakwebati umuntu uyo batana umuyanda nokuchitilwa pamulandu wakwebati mwalalume uwalala umwalalume mubyakwe nangu umwanakashi alala nomwakashi munankwe, ninshi insambu shaonaika pamulandu wakusala inshila yakulalana. Ici cikopilibula ukwebati insambu yakukwata ubumi ubuweme ninshi nasho epela shaonaika umo umungafuma imfwa ya muntu pamulandu wakutapelwapo umuyanda. Chikulu ukwine kantu imfumu ukuposako akalango mukuchingilila insambu shabantu bonse.

2.4 Ubupusano bwa nsambu

Insambu shipusene pusene nomba shonse shilingene nokubombela pamo. Tekuti mwakanyepo insambu pantu shacifyalilwa ku muntu. Insambu shamuntu shaba pabili. Ishabwanalale neshafikansa fyacalo mukabeya kamo neshabunonshi, intambi, no bwikashi bwamuntu mukabeya kambi. Natulondolole ishi nsambu.: -

1. Insambu shabwanalale nefikansa fyacalo: Insambu shabwanalale nefikansa fyacalo ninsambu shasuminishiwa ku muntu naku filonganino mu calo. Shenka ishi nsambu shilachingilila abantu ne filonganinno ku buteko nabantu lukosa abangafwaya ukunyantilila pali ishi nsambu Mukucingilila cila

muntu ne filonganino insambu shabwanalale nefikansa fyacalo shilafwilisha abantu ukuikalila nokusangwa mutubungwe utwafikansa fyacalo ukwakubula akapatulula. Ico twingabwenako ku nsambu ishi ninsambu yakusala intungulushi iyo umuntu akofwaya, insambu ya bumi, insambu yamailable, ukukumanya umuntu uyo ukofwaya, uuli onse, nokusangwa pebumba ilyo ukofwaya kumutima wakwe. Insambu shonse nshi shilekatana pakuti umuntu omfwe ubune. Ico twingabwenako cakwebati abantu tekutipo bakwate nsambu shakusala abo bakofwaya ngacakwebati bakobakanya mukusangwa pebumba lyacilonganino icobakofwaya.

2. Insambu yabunonshi, ubwikashi nentambi:

Insambu yabunonshi, ubwikashi, nolutambi ishikokabilwa ukufikilisha ukupitila mukupela amaboni ne fipe ifikofwaikwa ku bantu. Ubuteko bulingile ukufikilisha mukupanga ifiputulwa ifingafwa abantu muli ntu utubeya ukwabula akapatulula.

Insambu yabunonshi, ubwikashi nentambi shilabila shilikubati; insambu yabumi, insambu yamasambililo, insambu yacikulwa cakulalamo, insambu yakupokelelako ifintu fyamasambililo yapamulu, ulutambi nefilengwa na lesa. Pakuti abantu bomfwe bwino sombi insambu kashibombela pamo. Icakubwenako, abantu tekuti bomfwepo bwino insambu sha masambililo ngatabakwetepo ubumi ubuweme. Insambu yabumi tekutipo yumfwikepo bwino ngatakupo amananda umwakusendama. Amananda ayaweme tekutipo yamakwe ngatakupo mpanga. Emukwebati insambu shilashintilila pasha nankwe pakwebati shabomba bwino ku bantu.

Ifyo insambu shamuntu shili muno Zambia

Insambu shamuntu muno Zambia shalicingililwa mu cipande cabutatu mulupapulo lwa mafunde yacalo ca Zambia. Pamo nge calo icaba mucisaka cesonde ica United Nations na African Union, Zambia yalisuminisha nokufwatika pansambu shamuntu uuli onse pesonde nensambu shabena Africa. .

3.1 Incito yabuteko

Ubuteko bulikwete umulimo wakupela umucinshi, ukucingilila nokufikilisha insambu shabantu. Ubuteko abwafilwa ukufikilisha umulimo wenkoyu, insambu shabantu shingonaika.. icakubwenako:

- i. Ukutapela umucinshi: uko abantu bakofilwa ukuilishanya nangula ukubungana pamo kumulandu wakuti bakapokola bakobakanya. Abantu balikwete insambu yakubungana nokulabila ifyo bakofwaya.
- ii. Ukutacingilila: uko ubuteko bukofilwa ukusanga inshila iyiweme iyakucingililamo abekashi mukukana bonawila insambu. Abena Zambia abengi bekala mumishi umo imikoti ikobombela nombamba mikoti ikofumya kabesha uyubipile, ukonaula impanga, ukukowesha amenshi, ukuleta amalwele, ukonaula ifisabo nokucefya ishuko lyakukwata amenshi. Ukukonka ifunde, mulandu ukonaula insambu shabantu abalingile uwikala mu mpanga na mu mishi umo batemenwe.
- iii. Ukufilwa ukufikilisha: Ubuteko bukofilwa ukufikilisha insambu yakwimaka ifikulwa ifingafwa abantu. Icakubwenako cakwebati impanga ishingi muno Zambia shabela mumishi umutaba ifipatala, amasukulu, amenshi nafimbi ififwaikwa mubwikashi bwabantu. Ukufilwa ukufikilisha kwamusango ngu kukolenga ukonaula insambu sha bantu.

3.2 Umulimo wabekala calo

Abekashi bamu calo nabo balikwete incito yakubona ukwebati bakocingilila bonse abatakwete amaka yakuicingilila kunsambu shabo. Abantu abengi bakobanyantililwa pansambu shabo kubati banamayo, bamwabi, abalalana munshila iyaibela, nabalemana. Elo kulaba nokubapama, ukubaseka nokubabona kubati tebantupo. Iyi imyonawile yansambu ilacefya amapange yakuya pantanshi pantu bambi nokufwa balafwa. Imfumu shikofwaikwa ukucingilila mbalya abatakwata amaka yakuicingilila kunsambu shabo ukufuma kuli mbalya abafwaya bwaka ukunyantilila abanabo mumishi. Abantu balikwete amaka ayakweba ubuteko ukubacingilila kunsambu shabo.

3.3 ukonaula insambu shabantu

Nangabati ukucingililwa kwansambu kusangwa mulupapulo lwa mafunde yacalo cesu nesonde lyonse, abantu tabomfwapo ubune bwansambu shabo. Ifikolenga nimfi ifyo mwalabona panshi apa:

- i) Imitantikile yefunde: ulupapulo lwa mafunde yacalo ca Zambia lwakwatafye insambu ishamalilabilile nokusangwa mucilonganino ico umuntu ukofwaya lelo tamwabapo ifyakucingilila insambu shamikalile nentambi. Mukulundapo, apafika insambu ishamayendele nokusangwa mucilonganino ukofwaya nako takwafikapo pantu balifumyamo fimo mu lupapulo. Icakubwenako insambu iyakwikala uwabumi

ingonaulwa ukupitila mukwipaya umuntu kucifungo kani ubuteko bwamusanga nomulandu. Elo insambu ishakusangwa pebumba ilyo ukofwaya nalyo libomba bakapokola ngabasuminisha. Icishinka naco cakwebati insambu ishingiri ishesonde Lyonse tabashisuminishapo shonse muno calo cesu ica Zambia icikolenga abantu ukutomfwa ubune insambu shabo.

- ii) Ukuteshiba insambu nemilimo yabuteko kubantu, abamubuteko nemfumu. Icipowe takupelapo ishuko lyakwilako peulu kubantu ecikolenga akapatulula nokusekwa kubanabo.
- iii) Ukusumina ntambi nshilya ishitaweme, nokubwena fyonse mulutambi. Nchi nacho ecikolenga ukonaula insambu shabantu ukupitila munshila yakutinya abatakmete amaka yakuicingilila pamo nga banamayo, abalemana, abaice nambalya abalalana munshila iyaibela elo notucheche. Icikolenga mulandu wakwebati intambi shesu nokulanguluka kwesu ekukolenga bambi abantu ukuboneka ukubati basha, abatakwapo incito nangula tabafikapo pabantu ico icikolenga ukubapama nokubapensha munshila iyilekene lekene.

Ico icakwebati abengi abakopenga palwa nsambu abengi bekala mumishi iyo imfumu shiteka, cikofwaikwa ukubona ukwebati imfumu shayafwilisha mukucingilila abakopenga mukulusa insambu shabo.

3.3.1 katulondolole ifyo cikopilibula ati ukonaula insambu

Ukonaula insambu shamuntu cikopilibula ukumupokolola shonse nshilya ishishibikilwe ukwebati shacifyalilwa. Ukonaula insambu shamuntu nimfilya ifyakwebati umuntu bakomukanya nangu ukutamupelapo umucinshi pansambu shakwe. Kani umushi taupelwepo ishuko lyakulabila pafikofwaya ukucitika mumushi, ninshi penka insambu baonaula. Ukonaula insambu shabantu kuleta akapatulula nokubona kubati bakampandwa banku na nku tabakakwetepo inchito. Mfilya ifyo twaisa mukulabila ukwebati umwalalume uwasala ukulala nomwalalume munankwe nangu namayo uwasala ukulala nanamayo umunankwe elo bamutana ishuko lyakuchitilwa pacipatala pamulandu wafintu acita cikolanga ukonaula insambu shakucitilwa..

3.4 abakopenga sana abantu nangu icintu bwingi pansambu shabuntunse

Ukonaula insambu shabuntunse kucitwa kumulandu wamikalile itaweme, intambi nangula ifikansa fyacalo ifikocitika munshila iyibipile iyingalenga abatakmete amaka yakuicingila ukusanga bapatululwa. Abakopenga ukwine kantu mukubonawila insambu shabuntunse muno Zambia nimbalya abatakmete amaka, abakocula bwaka, nangu mbalya abatanga kwanisha ukuilabilila.

Abakopenga nokupatululwa muno Zambia nimba abo twalalondolola mpano;

- i. Banyinefwe: Intambi shilondolola bwaka ifyo banyinefwe balingile ukwikala mu mishi. Lomba tashepelapo banyinefwe amaka ayakulabila pa mikalile yabo sombi abalalume nokuleta akapatulula akonaula insambu shabanyinefwe.
- ii. Abana: abana ilingi line tabakwatapo amaka, tabaipokololako elo nakambi tabeshibapo insambu shabo. Elo inshita yonse bacetekela bwaka mubakulu pamikalile nefikocitika mucalo. Abana nsungu ebapenga ukwine kantu pakuti balabatana neshuko lyakusambilila nokubaposa mu fyupo.

Efikolenga abana ukuteshiba ifikocita mucalo, ukuteshiba insambu nokuchetekela bwaka mubafyashi. Ifikokankapo fyakwebati nangu abana bakula tekutipo bakwate impanga palwabo elo nokukana sambilila kukoleta ukupenga mummye yabo. Ukutasambilisha abana, kulonaula insambu shabana.

- iii. Abantu abalalana benka abalalume nabalalume abanakasha nabo benka LGBTI: Aba bantu balapenga ukwine kantu mumishi. Tababafwayapo nokubakwatila umufimbila ncilya icikolenga akapatulula ulo bakofwaya ukumfwa ubune insambu shabo.

3.5 Intulo ishikolenga ukonaula insambu shabuntunse

- a) Ukuteshiba: ubututu nokutakwapo isambililo lilondolokele icikolenga abantu ukuteshibapo insambu shabo. Insambu shabuntunse cintu ncilya ico abengi bafwaya ukubonfya mu bwikashi bwabo nokwishiba ifikochitika mu calo..
- b) Ukupingwila limo: kwaliba ifintu fimo ifyo bacinshinka muntambi ifyo bambi bakobomfya mukonawilamo insambu shabantu banabo ukwine kantu mbalya abatangakwanisha ukuicingilila. Icakubwenako ba LGBTI bantu mbalya abo bebati tebena Zambia nangu tebena Africa. Ifintu kubati inshila basala ukulalana nangu ifyo bakofwaya palwa bwalalume nangu ubwanakashi fikoboneka kubati mupamba. Kati twakoselela ukucingilila insambu shabuntunse, cingangukako ukulanshanya pafyo umuntu asala inshila yakulalana nefyo umuntu akofwaya ukuboneka kubati umwalalume nangu umwanakashi nokulenga ukwebati nabo bacingililwa. Intambi, imipepele nefyo abantu basuminamo balafibomfya nga fimo ifyakonawilamo insambu shambalya abatangaicingilila. Ifi efikoleta akapatulula kabantu bambi mucalo.
- c) Imikalile ya ifunde: Zambia yalisuminisha ifingi ifyapano isonde namuno Africa ifipope ifyapa nsambu shabuntunse. Lelo, kuliko ifipope ifyamuno Zambia bwaka ifikoputilisha akapatulula kuli mbalya abatakwete amaka ayakuicingilila. Ubupusano ubulipo pafyapano isonde, ifyamuno Africa elo namafunde nefipope fyamuno Zambia efikosele kubekashi abakofwaya ukucingilwa kunsambu shabo.
- d) Ukutakwata amaka nokulekeleshiwa: abantu abashikwete ishuko lyakukwata uto bakofwaya mummye yabo ico icikolenga ukwebati babe abantu abapengele kumulandu wakubonawila insambu. Kwaliba ifintu fimo ifyaingila mumulopa wabantu ifilenga ukonawilako insambu shabanabo abatangaicingilila. icakubwenako, banamayo bantu abashakwatishapo amaka nacho cikolenga akapatulula pamo ngokutakwatapo impanga yabo benka. Aka akapatulula kakotwalilako pamulu ubonaushi bwansambu shabuntunse pamo ngokubapoko lola impanga umulume nga afwa.

3.6 Ububi bwakonaula insambu shabuntunse

Insambu shabuntunse ukonaulwa kulalenga ifintu ifitaweme munshila itatu; pa muntu umwine, mumushi elo namucalo.

3.6.1. ububi pa muntu umwine enka

Insambu shabuntunse ukonaulwa ku muntu umwine enka munshila ishilekene lekene. Ifitumbuka mukonaula nimfi ifikolunda pa:

- i) Ukutabonwa ngo muntu: ukonaula Insambu shabuntunse kulacefya Ubuntu ukulenga aboneke kubati temuntupo pabanankwe. Icakubwenako, ukukatasha nangu fimi bwaka ifitaweme ukucitila mbalya abasala ukulalana munshila iyo bambi bakobona kubati mupamba nangu banamayo ukupitila mukubapama ichitala. Abengi abo bapensha muli nji nshila balayumfwila inkumbu nokubona kubati bo tebantupo ukulingana nabenabo ico icilenga bambi nokulipaya.
- ii) Ukulofya umucinshi: ifi efitumbuka mukonaula Insambu shabuntunse ukufuma mukulenga umuntu aboneka kubati ena temuntupo nimfilya ifyakwebati umuntu tabakomubonapo ati muntu icikolenga bambi ukutamusungapo bwino. Intambi ishipingula ukutetaula ifilundwa fyamubili nangu ukwipaya

umuntu fyakumwenako ifikolanga ukupokolola umucinshi uyo umuntu onse akwata. Ukusamfya mukamfwilwa nangu ukuputulako ifilundwa fimo ecilangililo pafilangililo.

- iii) Ukucefya amapange: kumbi ukonaula kulapokolola amaka yamuntu ayakwilako pantanshi. Icakubwenako abanansungu abo kukatisha mu fyupo bakonawila ishuko lyakukula ukufikapo bwino, ukuya kumasambililo, nokubomfya amano ayakubwenamo amaboni pakuti abene bomfwe ubune pa nsambu shabo.
- iv) 3.6.2 ububi kucintu bwingi

Pantu umuntu ekala mucintu bwingi mumushi, Insambu shabuntunse ukonaulwa kulalenga icintu bwingi ukupenga munshila itawemepo. Ububi kucintu bwingi bwaba mfi:

- i) Ukukanya umuntu ukupintamo akabeya: ukonaulwa kwa nsambu shabuntunse kulacefya ishuko lyamuntu ukupintamo akabeya mufikocitika mumushi. Icisa mukushalamo cakwebati icintu bwingi cilalusa amaka ayakuibimbamo pakwebati ubuyantanshi buboneke muncende yabo. Kanshi uku ukucefya amaka yacintu bwingi mukupintamo akabeya mu milimo yabuyantanshi efikolanga incingo shimbi ukubwela panshi nokulofya umutende muncingo pamulandu wakapatulula.
- ii) Ubuyantanshi ubuche: Ulo icintu bwingi cikofilwa ukupintamo akabeya mufikocitika muncingo, ulya umushi tekutipo utelelepo kuntanshi ninshi ukupenga kuilako peulu. Ukukana pintamo akabeya kulalenga ukutakwata ubutungulushi nokuteshiba umo mukolola.
- iii) Akapatulula mumushi: ifi ficitika fyakwebati abaice nabo bakopatululwa. Aka akapatulula kalalenga ukucefyako amaka yacintu bwingi ukutelelako pantanshi nokutekwa munshila iyiweme. Akapatulula kalalenga ukutomfwana mumishi pafintu kubati impanga icileta umufimbila. Kani umuntu mumushi alwala sana kumalwele nangu alofya umweo cilalenga umutunganya nokufwaya inshila yakutunganishishamo abanabo. Ifikoshala fyakwebati uyu umushi tekutipo uye pantanshi.

3.6.3 Ububi kucalo conse

Ububi bwakonaula insambu shabuntunse kucalo conse efikolanga umuntu palwakwe necintu bwingi ukushupikwa. Fyonse ifi ifibi fisa mukucitwa pakuleta akapatulula kacintu bwingi pakwebati kwibapo nobuyantanshi mumikalile, intambi nefikansa fyacalo. Ifisa mukufumamo nomba ninkondo pakati ka cintu bwingi ichili ulubo nokuposa amabwe, icingalenga ukutaya pantanshi. Ukutakwata amafunde kukoilako pantanshi nokutakwata inshila iiweme iyo abantu bangalanshanya munshila iyiweme pelyashi ilya ifikansa fyacalo.

3.7 Ulubali lwa imfumu mukucingilila insambu shabuntunse

Ukucingilila Insambu shabuntunse kuli mbalya abatakwete amaka ayakuicingilila mulimo kabili lubali lwa mfumu shesu. Imfumu shesu shikofwaikwa ukuponenamo ukubona ukwebati abantu bashiko baishiba Insambu shabuntunse nokwishiba ukwebati bonse mbalya abatakwete amaka ayakuicingilila bacingililwa.

- 3.7.1 **Imilimo yacintu bwingi:** imfumu shikofwaikwa ukupanga inshila nokubona ukwebati icintu bwingi cikopintamo akabeya. Icintu bwingi ukupintamo akabeya cikobati ukulibimbamo kubati cobe elo nomulinganya ulo bakopingula ifilingile ukubombelwapo mumushi. Icintu bwingi ukupintamo akabeya ciweme sombi umuntu uuli onse kabonekela, elo ukuilishanya kungomfwika nokufumyapo akapatulula. Kanshi, imfumu shili nenchito iyakubona ukwebati icintu bwingi chikopintamo akabeya mufikocitika.

- 3.7.2 **Ukubona ukwebati ifunde Iyamumushi taliko onaulapo insambu shabuntunse:** imfumu eshine shama funde mumushi elo shilingile ukubona ati amafunde yabo nangu intambi shikobomba munshila iyitako onaulapo Insambu shabuntunse. Icacubwenako, imfumu shikofwaikwa ukubona ukwebati abalalume abalalana nabalalume banabo nangu namayo uufwaya ukuboneka kubati mwalalume tabakomupenshapo ukupitila muntambi namafunde yamumushi nangu ukufya imipashi iyitaweme. Imfumu kanshi shingalokofwako nabantu pakweti tababatwelepo kucifungo.
- 3.7.3 **Ulupanda lwa ubuteko nabekashi:** kumulandu wakucindikwa nobutungulushi bwabo mumishi iyilekene lekene muno Zambia, imfumu lupanda lwapakati kabuteko nabekashi. Imfumu shabela pantanshi pakuti shilishi ifikofwaya kubantu babo. imfumu eshingalenga ukulabila bwino kuli bashimucindikwa bamung'anda yamafunde nangu kumukulu uwabuteko mwiboma. Nimuli yenka iyi imitontonkanishishe imfumu shesu shikoafwa mukufikilisha Insambu shabuntunse. Icacubwenako imfumu kuti yalenga icipatala ichinini ukwimakwa mu mishi pakuti abantu bakwata insambu sha bumi bwabo.
- 3.7.4. **Ukubomba notubungwe ututali twabuteko:** inshila imbi iyo imfumu shingafwilamo ukuleta nokucingilila Insambu shabuntunse nimukuleta nokubombela pamo notubungwe ututali utwabuteko utukobombela mumushi yamfumu. Ifi fingalenga icintu bwingi ukwishiba Insambu shabuntunse. Icacubwenako, ukupitila mukwampana naba Panos Institute Southern Africa, imfumu shakukwata ukwiluka sana imilimo yashiko mukucingilila Insambu shabuntunse ico icakulenga nabekala mushi ukwishiba palwapatulula, ukonaula nsambu shabuntunse nefi fumamo.

Ishuko ililipo mukucingilila insambuntunse

Imfumu shalikwata icifulo iciweme icingafwilisha ukucingilila insambu shabuntunse kumisumba yashiko. Pamulandu wanchi imfumu shilafwaya inshila ishakushilishamo amakatasho ayakumine ku nsambu shabantu. Mukwasuka pafya insambu shabuntunse nokushicingilila, kuli inshila ishiweme isho imfumu shingabomfya. Ikyakubwenako nimfi:

- i. Ubututu nokuteshiba palwa insambu shabuntunse: cikofwaikwa ukutwala amasambililo peulu bwaka pafintu ifikokuma ku insambu shabuntunse. Amasambililo nokwishiba fingacitika ukubomfya inshila ishipusene pusene kubati inanda isha malimba ne mbila.
- ii. Ukupingwila libela: ukwishiba ifya mulinganya nokutakwata akapatulula efikofwaikwa ukwebati icintu bwingi mumishi baishiba pafikocitika nentantiko yacalo mukuchinshika insambu shabuntunse.
- iii. Intantinko yefunde: kwaliba ifipope ifipusene ifikokuma ku insambu shabuntunse muno Zambia, Africa nesonde Lyonse. Imitantikile yefunde ingabombwa ukupitila mufilye ifyabuteko muno Zambia.
- iv. Ukupenga nakapatulula: ukwishiba nokukonkanyapo ukusambisha abantu ukupitila mutubungwe ututali utwabuteko, abacingilila insambu shabuntunse nefiputulwa ifyabuteko ninshila ishilondolokele ukwine kantu. Kukofwaikwa ukubomfya inshila nashimbi ishilipo pamushi kubati ukubungana kubati bang'anda imo nangu ukubomfya inanda ishamalimba ishisangwa mumishi pakwebati kwaba ukulondolola ifikocitika palwa nsambu shabuntunse.

Ili ishuko lilaboneka apalekene lekene elo icibi caba icisukile kumfumu ukubonfya ukusambisha abena musumba bonse. Ili ishuko tekutipo mulilondolole ukufika pakana nkati sombi ifingonfwikako nokulabilapo nimfi:

4.1. Insambu shabuntunse intantiko nobwimakishi muno Zambia

Insambu shabuntunse nentantiko nobwimakishi muno Zambia ekofyaba akale mukobona ukwebati insambu shabuntunse shikoncingililwa, nokufikilisha.

4.1.1. Intantiko yefunde

Pabutantiko, kwaliba ifingi ifikokuma ku insambu shabuntunse. Intantiko ipangwa kubuteko ukubombela icalo conse lelo kukofwaikwa ukubombelapo pakuti bonse bomfwe ubune. Katubone icakubwenako:

- i. Intantiko yacalo ukukuma kuli HIV na AIDS kufyo umuntu angakwanisha ukupoka umuyanda wabumi ubuweme. Intantiko iyakucingilila nokutwala pantanshi insambu iyabumi ubuweme. Nji intantiko iweme pantu bukolangulukakoo nambalya abasala ukalalana munshila bakofwailamo iyo bambi ukukonka ulutambi babona kubati mupamba pakwebati nabo belokubacingapo mukupoka ubumi ubuweme kufipatala ifili fyonse.
- ii. Intantiko iyakwafwa funde: intantiko ikopilibula ukwebati uuli onse alikwete ishuko ilyakupokololwako ngacakwebati kwaba ukupusana nefunde munshila iyilekene lekene. Ukupitila muli nji intantiko emuli ne funde ilikoitwa Legal Aid Board Act umwapangwa ne ciputulwa ca buteko icikoitwa Legal Aid Board. Kanshi bonse mbalya abakoibona abapengele elo balipatululwa pamulandu kuti babatukila ku Legal Aid Board.

- iii. Citizens Economic Empowerment Commission: Ni ntantiko ya buteko ukwafwilisha abekashi ba mu calo ukuyako pantanshi mubunonshi ukufuma mukupenga ukupitila mukupelwa amaboni ayakutatilapo amakwebo. Ukupitila muli cenka icilonganino abantu abapengele balakwata apakuma ukuboko nangu incito kubati abalemana bangakwatako ishuko lyakupokelela amaboni ayakutatikilapo amakwebo. Nangabati kuli iyintantiko mungasangana ukwebati abapengele ukutapelwapo amaboni pa mulandu wa kapatulula. Imfumu shilingile ukuba ngo lupanda lwapakati mukubona ukwebati fyonse ifikopelwa ku bekashi ba mucalo fyafikilishiwa ukupatulula.

4.2. Ifyaba intantiko

Intantiko yaba apengi umo umuntu angasangila ubwafwilisho ukutatikila mumushi, icitungu necalo chonse.

4.2.1 Pamushi

- i. Victims Support Unit – Chiputulwa caba kapokola ichichingilila insambu shabuntunse. Abantu baishibe bwaka ukwebati iciputulwa cakwafwa likoso banyinefwe abapamwa ku balume. Nomba iciputulwa ca VSU echi ko afwa ukupwisha ubwafya nangu ukupusana pakati kabalalume nabanakashi.
- ii. Icilye cakumusumba. Iyi ntantiko nao ilachingilila insambu shabuntunse. Ifilye ifyakumusumba fifwile ukubona ukwebati insambu shabuntunse shikocingililwa ilyo bakolubulwisha paba umulinganya..
- iii. Utubungwe twamumishi utufunda pa insambu shabuntunse. Iyi nayo ninshila iyiweme sana iyo bengabonfya abekala calo ukubona ati insambu shabuntunse shikopololwako nokucingililwa. Utubungwe twenkotu, nangu cingabati tatwabamo mutantiko yefunde lyakumusumba, tungapangwa ukupitila mu mumfumu shesu mukubombela pamo pa nsambu shabuntunse.

Ukuteshiba insambu shabuntunse ekukopufyanya ukupanga utubungwe utwakusambisha abantu palwa nsambu shabuntunse.

4.2.2 Pacitungu

Pacitungu, kuli ifilekene lekene ifiputulwa fyabuteko ifikoyafwilisha mukubona ati shikofikilishiwa insambu shabuntunse nokucingililwa.

- i. Cilolo balashika mucitungu nangu peboma. Ili ofeshi sombi kalikele ilya asuka pakwebati imfumu shesu shingalokukonkoshako pakwebati ubuteko bwafikilisha insambu shabuntunse kubekashi bamu calo. Kupitila bwaka mu ma ofeshi ya buteko mu fitungu kungalenga ishiwi lya sha mfumu ukumfwika.
- ii. Icilya icikoitwa Magistrate. Ifi ifilye filabombesha ukwine kantu mukubona ukwebati ifunde lyacalo likokonkwa. Icacubwenako cakwebati bonse mbalya abatasekelemo mubupingushi bwakucilye icakumusumba bangaya kucilye icabuteko. Ica Magistrate. Icilya ca Magistrate echilolesha pamibombele yafilye ifyakumusumba pakwebati belokonaulapo insambu shabuntunse.

4.2.3 Pacalo conse ica Zambia

- i) Icilye ichikulu Supreme Court nenkonkani yaciko High Court yamuno Zambia: ifi filye ifiweme eflyo umuntu uuli onse angabomfya mukucingilila insambu shakwe. Mfi ifilye fyobilo ifikwatishe amaka ayakubomfya amafunde yacalo mukucingilila insambu ishisangwa mulupapulo. Ifilye fyobilo fibomfya amafunde batantika ayacalo conse icapanshi elo ukulundapo nayamuno calo ca Zambia mukulondolola

insambu isha mulupapulo. Abekashi bonse balikwete insambu ishakuya kwenkoku pakuti insambu shabo shicingililwe. Pakuti cumfwika sana, uuli onse alingile ukutatikilalila ku High Court ulu tangaya kucilye ichikulu ica Supreme pakuti insambu shakwe shacingililwa.

- ii) Human Rights Commission muno Zambia. Icilonganino capangwa ukubomfya ulupapulo. Incito yaciko kucingilila insambu shabuntunse mukuchecheta bwino pakonaula insambu shamuntu, ukufunda abekashi bamu calo pakuti beshibe palwa nsambu shabo. Incito iyacilonganino yakufwailikisha umutunganya wakwebati insambu shabuntunse shaonaika kuncingo iyaibela. Kanshi icilonganino ninsaka yacalo elo nakambi balikwete ama ofeshi umo bacingilila insambu shabuntunse.

4.3 Isonde, Africa nefya muno Zambia ifipope ifibomba mukucingilila insambu shabuntunse

Nangu cingabati umulimo wakutatikilapo uwakucingilila insambu shabuntunse waba muminwe yabuteko, imfumu shilikwete amaka ayakubomfya ifipope babika mwisonde lyonse, muno Africa nefyamweka muno ifyo twalalondolola panshi apa ifingafwilisha ukucingilila abantu bashiko mumishi.

Imfumu shingabomfya ifipope mukulenga:

- i) ukufwaya amasuko: imfumu shilikwete amaka yakubomfya ifipope mukwikatilila ababuteko pakuti basose pakupa umucinshi kulyashi ilya insambu shabuntunse. Icakubwenako, ilyo shikolabila nobuteko ukupitila mubakulu babuteko nokukonkobesha palwa kwimaka amasukulu, imfumu shilingile ukweba ubuteko ati umulimo wakusambisha abantu ni insambu shabuntunse. Mukupalanyako, ilyo shikolomba ifyabumi ubuweme ukupitila mukufwaya ifipatala ifinini imfumu shilingile ukubulako ubuteko ukwebati ubumi ubuweme tentantiko yabuteko yenka sombi insambu shabuntunse kulwa bumi.
- ii) Mukubilisha intantiko yabuteko: ifi ifipope fingafwa sana imfumu shesu ukulosa ukulanshanya konse ukwebati kulukulola ku insambu shabuntunse ukupitila mu nanda iyabashamfumu. Icakubwenako, ilyo imfumu shikolabila pa nsambu shabuntunse shikofwaya ubuteko ukupanga amafunde ayakusuntula nokuchingilila insambu shabantu.
- iii) Mukwafwilisha ukutwala peulu ifilye ifyakumusumba: insambu shabuntunse ukukonka nefipope filalenga imfumu ukwebati shilokulipilishapo amaboni pansambu shabuntunse ilyo shikopingula mufilye fya kumusumba. Icakubwenako, ifipope fyamulinganya nokutakwata umucishacinani ifisangwa mufipope fingabomba sana mukucingilila banyinefwe, abaice, abansala ukulalana munshila iyaibela, abaice, abalemana, nabantu abapengele. Mukupalanyako, imfumu shingabomfyako ifipope fyenka mfi pakukumana nabantu mumishi pakufwaya ubuyantanshi.

Cangukile imfumu ukwafwilisha abantu bashiko munshila iyiweme ngacakwebati imfumu shilishi sana palyashi lya insambu shabuntunse. Ifi filafwilishako imfumu ukuba nakalango akakwishiba insambu shabuntunse elo ifi efikofwaikwa mukuleta ubuyantanshi ubungekalila mumishi.

4.3.1. ifisolobelo ifya insambu shabuntunse pesonde lyapanshi

Pe sonde lyonse isambu sha muntu uyuli onse shalichingiliwa. Ifipope pa nsambu she sonde lyonse fyaba patatu apali insambu shabuntunse, insambu shabunonshi, insambu shabubwanalale, nefikansa fyacalo.

4.3.1.1 Ukubilikisha isonde lyonse palwa nsambu ishabuntunse nangula Universal declaration of Human Rights iikoitwa (UDHR)

Inji iyo bakoita ati Universal Declaration of Human Rights (UDHR) kabaisuminisha kuli bonse abantu kucisaka cesonde ica United Nations General Assembly pa 10th December 1948, elo kanshi ukufuma penkapo bwalyaluka ubushiku bwakusefya insambu shabuntunse.

Isubilo lyamulinganya lyalisoswa mwibula nangula Article 1 iya UDHR. Ili isubilo libwe ilyashintilwamo mukumfwa ubone nokucingilila insambu shabuntunse ukufuma pantulo ya insambu shabuntunse ishacalo conse ukukonka ifunde. Ibula lyakubalilapo nangula Article one yalumbuka mukulabila ati:

“Bonse abantunse bafyalwa ukwabula ukulipila elo balingene mumucinshi nensambu”

Article 1 ikoibukisha umulinganya wamuntunse uuli onse nobupyani bwamucinshi ukufuma bwaka apo umuntu afyalilwa. Ilakonkomesha sana pacishinka cakwebati uuli onse umuntu alisuminishiwa ukukwata elo aiminina apalingene nabanakwe mukumfwa ubone bwa insambu shabuntunse. . Isubilo lyakutafwaya akapatulula baliliposako akalango mwibula lyacibili nangula Article 2 iyaba UDHR ngamfi ifikonkelepo: -

“uuli onse alipelwa shonse insambu nokulubulwa konse kwaba mwenkomo mulupapulo lwe sonde, , kubati imibonekele kumulandu uko umuntu atula, inkanda, ubwalalume nangu ubwanakashi, umulaka, imipepele, icilonganino nangu imitontonkanishishe iyipuseneko, icalo nangu imikalile yabantu afumako, ifipe akwata, ukufyalwa nangu fimbi ifyo angafwaya bwaka ukuba.”

Ibula ilikoitwa Article 7 iyaba UDHR nakambi ikolondolola ubone ubwesubilo mukulabila ukwebati “uuli onse” alilingene pacinso cefunde elo ukwakubula akapatulula mukucingililwa kunsambu ishabuntunse. Cikoya namukulundapo ukwebati “Bonse” balisuminishiwa ukukwata umulinganya mukucingililwa ukufuma ku“kapatulula akali konse” mukubonawila insambu ishabilikishiwa.

Nangu cingabati UDHR tailabilapo ukutapitapo mumbali pakapatulula ka bantu abasala ukulalana munshila iyo bambi babona kubati mupamba, UDHR ilacingilila bonse abatangaipokololako. Icisaka ca United Nations general assembly cilibukishe ifilembelwe mwibula lyacibili nangula Article 2 nangu cibe tayalabilapo sana. Icakubwenako, mukumfwano ifikosangwa mu 45/187 iya 1990 na 46/203 iyamu 1991 iikoitwa UNGA ikolabila pabakopenga na HIV mukubacingilila ukufuma kumufimbila ukupitila mufikoitwa ati “ ukuba abaibelele.”

4.3.1.2 Iikoitwa International Covenant on Civil and Political Rights (ICCPR)

Iyi ikoitwa International Covenant on Civil and Political Rights (ICCPR) isuminishanya nokubilikisha pansambu shamayendele nefilonganino kwi sonde lyonse. Zambia nayo kaisuminisha ukupitila mu ICCPR pabushiku bwa 10th April 1984.

Intantiko yamulinganya elo nokutafwaya akapatulula muli yenka yi ICCPR yaba mukusuminshanya kwenkoku. Epela insambu shafuma mubupyani bwacifyalilwa kumuntu uuli onse. Munshi yebula nangula Article 2 (1) iya ICCPR kukopela umulimo utangabutukwa kufyalo fyonse (ukusanshapo Zambia) pakwebati uuli onse umwikashi wa mu calo cakwe aleumfwa ubone bwansambu mwekamulya ukwabula umucishacinani.

Cabikwa mfi; -

“cilacalo icasuminisha kulimfi (tubweneko Zambia) ifyabulayo cifwile ukupela umucinshi nokubona ukwebati uuli onse mumupaka wenko uyu nokulingana umwapwila amaka yamupaka, ukukonka icilayo cheka nci, ukwabula ukucinga ukuli konse, pamo nga inkanda, icalo wafumako, umulala, ubwalalume nangu ubwanakashi, imipepele, icilonganino, nangu amalangulushi yamuntu, ifipe wakwata, ukufyalwa nangu pambi apo ubebele”

Insaka iyo bapela umulimo wakubona ati ifyalo fyonse fikokonka ifyo fyasuminishenye ukuicitila mukumfwana kwenkoku kabungwe akalolekesha pa insambu shabuntunse nangula human rights committee. Mukulondolola intantiko yamulinganya nokutakwata umucisha cinani, iyi insaka nangula committee yalisala umulaka pa nambala 18 uwalulashanyamo. Muli ngu umulaka emobalanshanya mubune bwenka pansambu shamulinganya nokutakwata akapatulula.

4.3.1.3 Ichipangano ce sonde pa nsambu sha bunonshi, ubwikashi, ne ntambi ICESCR)

Ichi pangano mukusunishanya kwesonde mukufikapo ciko afwa mukufikilisha kwansambu shabuntunse. Zambia yasuminishe ukuba icalo pafyalo ifyasuminishenye ICESCR pa 10th April 1984. Nangu cingabati casuminishe akale pamyaka iyapita amakumi yatatu ukufika nduno, Zambia tayafwatikapo ifili fyonse ifikokuma ku nsambu shamikalile, intambi no bunonshi ubwaba mu ICESCR. Ifi efikocefyu umulimo wakufikilisha ifili mu ICESCR ukwabula ukubepesha ukutakwata amaboni.

Icakubalilapo icikankala mumulimo waba mu ICESCR nintantiko yakukana kwata umucisha cinani. Nimukulabila ukwebati conse icalo icasumina ukuba mu ICESCR cikofwaika ukukwanisha ukumfwa ubune ubwa ESCR ukwabula umucishacinani. Tungalundapo nokulabila ukwebati uuli onse umuntu akofwaikwa ukumubona munshila iyamulinganya mukumfwa ubune bwansambu elo napamenso yefunde lyacalo. Ici tacikofwaikwapo amaboni mukufikilisha insambu shabuntunse.

Nji intantiko nensambu shakutakwata akapatulula shacetekelwa pesamba lyebula lyabubili nangula Article 2 (2) iya ICESCR. Ikokonkobesha pali mfi:-

“ifyalo ifyasumina mukusuminishanya kwenkoku fime mukulaya ukwebati insambu ishikososwa mukumfwana kwenkoku shibombe ukwabula akapatulula munshila iili yonse pamo nge inkanda, uko watula, ubwalalume nangu ubwanakashi, umulala, imipepele, ifyakulongana, imilangulukile yamuntu, icalo nangu icintubwingi watulako, ifipe fyobe, ukufyalwa nangu apo waimakana bwaka palobe.”

ICESCR ninsaka iilolekesha pabunonshi mumikalile nentambi ukonka nensambu shabuntunse. Kanshi insaka ilalondolola insambu ishipesenepusene mu CESC nokupela ifikofwaikwa ukufuma mufyo bakolanshanyapo.

4.4 icisolobelo cafyalo ifinamulamano

Kubati mufyalo ifinamupalamano, Zambia nakambi yalisumina ukuba mucisaka cafyalo ifyaba mu African Union elo nakambi yalisuminisha iikoitwa African Charter on Human and People's Rights (iyo mubwipi bakoebati African Charter). Iyi African Charter kabaisuminisha kucisaka ca Organisation of African Unity (OAU) iikoitwa African Union (AU) mu Nairobi Kenya pabushiku bwa 27th June 1981 elo yaingile mukubomba namaka pa 21st October 1986. Zambia ya alukile membala wakusuminisha kwenkoku pa 10th January 1984.

Iyi African Charter yaimakana pakuchingilila nokusuntula insambu shabuntunse muno Africa. Fimbi ifisolobelo fikolunda pamulimo uwakumfwana pa insambu shabuntunse ishikokuma kuli banamayo nokumfwana kwamuno Africa pansambu shabana abatalakula. Ukusuminishanya kwenkoku kukwete ifili 26 ifikofwaikwa mukulenga Zambia nafimbipo ifyalo muno Africa, mukucingilila nokufikilisha insambu shabekashi bamu calo. Insambu mukusuminisha kwenkoku shikoebati, insambu shakulongana nokutakwata akapatulula, insambu yamweo, umucinshi wamuntu, incito, ubumi, amaisosele, namukubungana pacintubwingi ico ukofwaya.

Ibula lyacibili nangula Article 2 iya mukusuminishanya kwamuno Africa kukososa pa mulinganya nokutafwaya akapatulula. Ilabila mfi : -

“uuli onse akukukwata ukumfwa ubune bwansambu nokukakulwa ukwabula ubupusano ubuli bonse pamo nge nkanda, umutundu utulako, imibonekele, ubwalalume nangu ubwanakashi, umulaka, imipepele, ifyakulongana, nangu imilangulukile iyo ukofwaya, icalo nangu icintubwingi watulako, ishuko, ukufyalwa nangu fimbi bwaka ifyo ukofwaya ukuba”

Ibula lyacitatu nangula Article 3 ilondolola ubutantiko bwamulinganya ukuba ngamfi ifikokkonkapo mpano:

“umuntu uuli onse ulingene pamenso yefunde, uuli onse akofwaikwa ukucingililwa mumulinganya wefunde”

Amabula ayalenga Articles 4 na 5 akoponena mupepi nomulingana elo nokutakwata akapatulula mwitontokanyo lyakubilikisha pamucinshi wamuntu. Ibula lyalenga nangula Article 4 ikoibukisha ukwebati “abantu bonse bacindeme icakuti elo bakupelwa umucinshi mumweo nguno elo namano yabo”. Ibula ilyalenga nangula Article 5 ikokkonkanya namukusosa ukwebati “umuntu uuli onse akukwata insambu shaku mupela umucinshi nokwishiba apo aimakana palwakwe.”

Ukusuminisha uk kukoibukisha ukwebati abantu abamufyalo ifyaikatana mucisaka chekeci nabo “bantunse” elo bali nomucinshi uwacifyalilwa. Amabula Articles, 2, 3, 4 na 5 yaba yakoafwako s mukucingilila mbalya abasala ukulalana munshila iyaibela iyo bambi babona kubati mupamba ukubikapo likoso ne nsambu shabaice.

4.5 Ifisolobelo fya insambu shabuntunse ishamuno calo cesu

Ukulingana napacalo cesu, insambu shabuntunse shalicingililwa ukukonka nolupapulo lwa mafunde ya calo.

4.5.1 Ulupapulo lwacalo ca Zambia

Ulupapulo lwapangilwe ulo kwali ukupoka ubuntungwa mumwaka wa 1964. Lwalipita mukwalulwa ukufuma apo lwapangilwe. Mumwaka wa 1976, ulupapulo kabalwalula ukufyelwe ifunde lyakwebati icilonganino ca fikansa fya calo bwaka cimo mpo ecauteka calo elo fimbi kabakansa. Mumwaka wa 1991, ulupapulo nakambi kalwalulwa, nokusuminisha ukwebati ifilonganino nafimbi fingatatika ukupintamo akabeya mu fikansa fya calo. Mu 1996, ulupapulo nakambi kalwalulwa, apali amaisosele mufikansa fyacalo.

Nangu kwalikuba ukwalulwa lulwa konso nku ulupapulo ulwa mu 1996 lusele bwaka kubati nindulya ulwali mu mwaka wa 1964 ulupapulo ulwasuminishiwe nobuteko bwabangeleshi nangula ba British colonial government. Ibula ilyalenga nangula Article 11 ikososa pamulinganya nokutakwata akapatulula, ukusosa ukwebati:

“Ukusuminisha kwakwebati uuli onse umuntu muno Zambia apelwa insambu nokulubulwa kwamuntu insambu ukwabula kwakapatulula ka mutundu, incingo atulako, amalangulushi yafikansa fyacalo, inkanda, ubwalalume nangu ubwanakashi, umushimbe nangu uwaba mucupo....”

Ibula lyalenga nangula Article 23 (3) likolabila pakapatulula:

“imibonekele yabantu, bwalalume nangu ubwanakashi, ukobatula, icupo, ifikansa fyacalo, inkanda, ifyo basuminamo, imipepele icakwebati abo abantu ifyo mungabalondolola tekuti balinganepo nangu ukupelwa umucinshi ukulingana na bambi mbalya abo muko ba palanyako.”

Ukulolekesha pamabula yabili yenkaya, cicolanga apabuta tutu ukwebati ulupapulo lulikwete amaka yantantiko yamulinganya nokutakwata akapatulula.

Ilyo ifilundwa fyamulupapulo pakapatulula fikolondololwa ifyo fikopilibula ukukonka nemyanshikile yapesonde palwa insambu shabuntunse isho Zambia yafwatikapo mukusuminisha, ubulondoloshi apaimakana lupapulo mufipope pakapatulula. Ici ecikwebati bonse abantu, ukulundapo nambalya abapengele bangomfwa ubune mulindu ulupapulo ulo bapelwa insambu kubati, amayendele, ibumba ukofwaya, imicitile, ukulabila, umweo, nomucinshi ukwabula ukutina ukwikatwa kuli bakapokola.

Ulupapulo ulu lulikwete ibula ilyacitatu apalembwa insambu sha bwikashi, efikansa fyacalo pamo nga ukusala, ukulubulwa kumayendele, ukusangwa nokwingila muciloganino umuntu akofwaya.

4.5.2 Ibula balembapo insambu

Ibula balembapo insambu ikwete bwaka insambu sha fikansa fyacalo ukwabula insambu sha mikalile, ubunonshi, nentambi. Nangu cingabati mwalibulila insambu shabunonshi, icintubwingi nentambi, abekashi bamuno Zambia bacilli abapelwa amaka kunsambu shekeshi pamulandu wakwebati kale bafwatika kufisolobelo ifyo ifyalo fyonse ifyasumininshenye isonde lyonse. Ukufwatika kukopilibula ukwebati Zambia ilisumine mukubona ukwebati isubilo nomulimo wa insambu shabuntunse mufisolobelo fyonse shikokonkwa. Ukutakwata insambu shabunonshi, ubwikashi nentambi cicolanga ukwebati Zambia ikofilwa mufyo yafwatika ukubomba pafisumino fyamuno Africa nesonde lyonse. Ibula balembapo insambu tabaalulapo kanshi ecicolanga ukuboneka fyabamwisa mbalya abalikupensha abekashi ba mucalo. Nimuli chekeci emukofuma ukwebati insambu shabuntunse muno Zambia shakulabilapo likoso kachishila.

Umwikashi tekuti omfwepo ukucingililwa ukubomfya insambu shabuntunse ishe sonde lyonse nangu ishamuno Africa ati epela cakana sana.

Ifipope imfumu shingabomfya mukucingilila insambu shabuntunse

Mukubombesha namaka nokupintamo akabeya mukucingilila insambu shabuntunse, imfumu shingakonka imibombebele yamunshila nji iili mpano:

- 5.1 **Imfumu shilakoselesha ukukumana kwacintu bwingi:** ici cakulenga ukwebati cilamuntu uuli onse mumushi akopintamo akabeya mubumi nemikalile yamuncingo yabo nokubona ukwebati cilamuntu insambu shabuntunse shikokokwa. Ubune bwakukumana mumushi mulandu wakwebati insambu shabuntunse shilapelwa umucinshi. Efilenga ukwebati insambu shabuntunse mukubalilapo shikololeshiwapo ukufuma pantulo. Muli chekeci abantu mbalya abatakwete amaka yakuipokololako pamo nga abasala mukulalana munshila bambi bakobona ukuba yamupamba. tababonapo nakapatulula. Nakambi cikulu ukwishiba ukwebati ubuyantanshi mumushi tekuti bubonekepo ukwabula abekashi ukupintamo akabeya.
- 5.2 **Ukubomba notubungwe twamumishi, bambi abacingilila insambu shabuntunse nabashala:** ukubombela pamo notubungwe twamumishi ecakulenga ukwebati imfumu nabantu bashiko bakwate amaka yakukula munshila yakukosha ukucingilila insambu shabuntunse. Icakubwenako, utubungwe twamumishi twakwafilisha ukulenga imishi ukubomfya ifipusene ifikolola kunsambu shabuntunse ukulingana nefunde, iyili nintantiko yamuno Zambia. Icakubwenako akabungwe kamumishi akakoitwa PSAf kalikwafilisha abekashi namabuku nafimbipo ifikolangilila pakufwaikwa kwakukana kwata akapatulula kamuntu uuli onse mumishi. Nimukubona kwenkoku ukulanga ati utubungwe twamumishi tufwile ukuboneka mukubombela pamo mukucingilila insambu shabuntunse pamo nemfumu.
- 5.3 **Ukukula abakwimakaninako mumishi palwa nsambu shabuntunse mukwafwako abanabo:** mukubona ukwebati ukucingilila insambu shabuntunse kulondoloke mumishi, kukofwaikwa ukusala abakwimakananiko abanabo, abakolaya ukwafwako mukucingilila abanabo mumushi wabo. Icakubwenako, abakoimakaninako abanabo nintantiko ya mumushi pa insambu shabuntunse pakwebati tonse utukolola kunsambu shabuntunse twacingililwa. Imfumu nasho ukukonka umu amaka yashiko yapelela shilingile ukubona ati ukufikilisha kwamafunde yakumusumba takonawilwepo insambu, imfumu shingapela amaka kubantu abasalwa mukucingilila insambu shabuntunse. Abasalwa benka aba bangaba pakati kubati lupanda ulukoleta tonse utubungwe utukucingilila insambu shabuntunse nokusambisha abantu.
- 5.4 **Mukubona ukwebati amafunde yakucilye kumusumba tayako onaulapo insambu shabuntunse:** imfumu shilingile ukubona ukwebati amafunde yakucilye capamusumba tayako onaulapo insambu shabuntunse. Ukufika nakumpelo, imfumu shilingile ukusala imibombebele iyiweme iyakufikilisha insambu shabuntunse. Ici cikopilubula ukwebati mukupingula imilandu nangu ilyashi ilyamucilye cakumusumba, insambu shabuntunse shifwile ukukonkwa ukuteba ukopingula ukubomfya intambi. Muli nci tekuti kubepo akapatulula akabapo kumulandu wantambi nemicitile yamumishi.
- 5.5 **Ukulanshanya lyonse nobuteko mukubona ukwebati insambu shabuntunse shikocingililwa:** ubuteko ebuli nomulimo ukwine kantu uwakucingilila insambu shabuntunse. Ebukofwaikwa ukubona ukwebati yonse ngalaya amafunde yesonde naya mu Africa bayasuminisha ukuyabomfya namuno Zambia nge ntantiko yamafunde. Penka, imfumu shilingile ukubona ukwebati shabomba nobuteko mu fiputulwa

fyabuteko ifilekene lekene. Ukulanshanya nobuteko cikoebati imfumu shalombako ukwimakako isukulu nangu icipatala pakwebati insambu sha masambililo nangu ukucitilwa kwafikilishiwa. Chikulu imfumu ukuba mupepi nabantu mukushilisha amakatasho abantu bakopitamo.



Contact us

Panos Institute Southern Africa

Regional Office

Plot 9028 Buluwe Road
Off Leopards Hill, Woodlands
P.O. Box 39163, Lusaka Zambia
Tel: +260 211 263258 Fax: +260 211 261039
Email: general@panos.org.zm Website: <http://www.panos.org>

South Africa Office

P.O. Box 3286, Parklands, 2121
158 Jan Smuts Avenue, 3rd Floor
Rosebank, 2196
Johannesburg
Email: admin@panos.org.za

Mozambique Office

Rua Castelo Branco,47 -1st Floor
Malhangalene
Tel/Fax: (+258)21415549/ 849414984
Mobile: (+258) 823050604/ 848585135
Email: mozambique@panos.org.zm

PSAf is part of a global network of Panos Institutes located in Addis Ababa, Chennai, Dakar, Dhaka, Kampala, Kathmandu, Kingston, New Delhi, Paris, Port-au-Prince

Panos Network Secretariat

www.panosnetwork.org
Email: info@panosnetwork.org

Panos Caribbean

www.panoscaribbean.org

Panos Eastern Africa

www.panoseasternafrica.org.ug

Kampala, Uganda

(regional centre)
tel: +256 414 344231
fax: +256 412 54729
pea@panoseasternafrica.org.ug

Panos Paris

www.panosparis.org
tel: +33 1 40 41 05 50
fax: +33 1 40 41 03 30
panos@panosparis.org

Panos South Asia

www.panosouthasia.org

Kathmandu, Nepal

(regional centre)
tel: +977 1 5521889
fax: +977 1 5544641
psa@panosouthasia.org

Panos West Africa

www.panos-ao.org

Dakar, Senegal

(regional centre)
tel: +221 849 16 666
fax: +221 822 17 61
info@panos-ao.org



Vision: A Southern African community
that drives its own development